



柳田文庫  
文庫11  
D 287  
2



辨言之此語

本登七 證誤七

會稽徐氏重榮

文庫 11  
D287  
2

010190563761



元史本證卷七

紹興先正遺書甲集之四

證誤七

蕭山汪輝祖 男繼培補

天文志一

日薄食暈餌及日變

至元十四年十月丙辰日有食之 案紀丙辰下當有朔字

皇慶三年五月戊申日赤如赭 案紀五月甲辰至戊申

至治元年三月己丑交暈如連環貫日 案紀在二年

月五星凌犯及星變

至元二十年七月庚子熒惑犯司怪 案紀作庚午以癸丑

朔計之此誤

本證七 證誤七

會稽徐氏重校



二十六年九月辛丑熒惑犯太微西垣上將 案紀在丙申

三十年七月辛丑太陰犯鬼 案紀當作辛巳

十一月庚子太陰犯鬼 案紀當作庚午

至大三年三月戊辰太白晝見 案紀當在四月

泰定三年九月壬戌太白犯太微 案紀當作癸亥

天文志二

至元二年十月丁亥太陰犯昴宿 案紀當作丁酉

至正十五年五月丙申太陰犯房宿距星 案紀當在三月

癸丑太白經天 案紀在三月

八月戊寅太白晝見 案紀作太白經天

二十四年八月丁未熒惑入犯鬼宿積尸氣 案紀當作乙

未

五行志一

至元十七年正月磁州永平縣水 案當作永年證詳紀

二十九年六月岳州華容縣水 案紀在閏六月

元貞元年七月遼東和州水 案地理志大寧路至元五年

併和州入利州爲永和鄉此稱和州誤

二年六月眞定古城獲鹿藁城等縣水 案地理志眞定路

無古城當是晉州鼓城之誤

大德元年七月温州平陽瑞安二州水 案紀當作九月志

本證七 證誤七

二 會稽徐氏重刊

上文亦有七月此蓋刻誤

皇慶二年六月永清永安等縣雨水壞田稼 案上文書涿州范陽等七州縣皆大都路地理志大都路無永安縣卽真定路之永安州已於太宗七年廢爲藁城不得稱永安縣也

延祐六年六月遼陽廣寧瀋陽永平開元等路水 案地理

志永平隸中書省不當入瀋陽開元之間

七年五月江陵縣水 案紀在七月

八月霸州文安文成二縣滹沱河溢 案地理志霸州無文成縣疑是大城之誤

至治元年六月霸州大水渾河溢被災者三萬餘戶 案紀

作二萬三千三百戶

七月永平石城縣大水 案地理志永平路灤州下云先以石城省入樂亭至元三年改入義豐至治時不得有石城矣

大都固安州真定元氏縣東安寶坻縣 案地理志寶坻縣東安州俱隸大都此書於真定下又脫州字似寶坻屬東安誤矣

二年五月儀封縣河溢二月濮州大水 案二條誤倒本紀是年三月賑濮州水災此云二月亦誤

致和元年六月河間林邑縣雨水 案地理志林當作臨

大德八年八月隕霜殺稼 案紀是年八月太原之交城陽

曲管州嵐州大同之懷仁雨雹隕霜殺禾此失書地

天曆三年二月京師大霜晝霽 案是年改元至順志于此

書天曆三年下又書至順元年非例也

中統四年七月開平路興松雲三州雨雹 案紀是年五月

陞開平府爲上都此當稱上都路

至大四年閏七月宣寧路雨雹 案紀是大同宣寧縣

泰定二年五月臨洮府狄邑縣雨雹 案地理志邑當作道

三年七月房山寶坻玉田永平等縣大風雹 案地理志完

州至元二年改永平縣後復爲完州泰定時不當稱永平  
矣

八月龍慶路雨雹 案路當作州

至元二十八年九月襄陽南漳縣民李氏妻王一產三子

案紀王作黃

大德九年三月宜黃縣火 案紀云宜黃興國之大冶等縣  
火

十年武昌路火 案紀在是年十一月丁亥此失書月

延祐元年二月眞州楊子縣火 案紀在二年

至元十九年六月芝生眉州青城縣 案地理志城當作神

二十三年十月清寧進芝一本 案紀作濟寧路進芝二莖  
此誤

二十六年池州貴池縣民王逸進紫芝 案紀作王勉

元統二年正月辛未御帳殿受朝賀是夜東北有赤氣照人  
大如席 案元統當作中統事詳世祖紀紀無御帳殿受  
朝賀之文此未知何據

至大四年七月河東祈縣霖雨 案地理志當作冀寧祁縣  
皇慶元年隆興路新建縣雨 案地理志隆興當作龍興元  
年下亦失書月

中統四年八月真定郡及洺磁等州旱 案紀郡當作路

至元元年二月東平太原平陽旱分命西僧禱雨 案紀在

四月

五年十二月京兆大旱 案紀云是歲京兆大旱非必在十  
二月也

十八年二月廣寧北京大定州旱 案紀廣寧作遼陽懿蓋  
地理志大定爲北京屬縣此稱州誤

元貞元年七月河閒肅寧樂壽二縣旱 案紀作太原安豐  
河閒等路

泗州賀州旱 案紀在九月此接書于七月下誤

二年八月大名開州懷孟武陟縣河閒肅寧縣旱 案紀在

七月

十二月遼東開元二路旱 案紀作太原開元河南芍陂

大德三年五月桂陽寶應興國三路旱 案地理志應當作

慶

四年平棘白馬二縣旱 案紀白馬旱在八月平棘旱在十

一月此失書月

延祐七年六月荆門軍旱 案地理志軍當作州

元貞二年六月開州長垣靖豐縣蝗 案地理志靖當作清

滑州太和州內黃縣蝗 案地理志內黃屬滑州太和乃潁

州屬縣非州也

大德八年六月益津縣蝗 案上已書八年此衍

至治元年七月江都泰興古城通許臨淮盱眙清池等縣蝗

案地理志古城僅見於荆門州非縣名清池疑滁州清

流之誤以同隸揚州也如是滄州之清池則古城疑卽景

州之故城同隸河間而書法參錯亦於例不合

二年汴梁祥符縣蝗 案失書月

泰定四年十二月博興臨淄膠西等縣蝗 案地理志博興

當稱州

致和元年四月永平路石城縣蝗 案石城誤證見上

元貞三年正月海州牟平縣獲白鹿 案地理志海州當作



寧海州

中統元年五月澤州益州饑 案益州不見於地理志

至元二十三年宣寧路饑 案宣寧乃大同屬縣非路也

二十四年十二月蘇常湖秀四州饑 案蘇當作平江秀當

作嘉興州當作路

二十七年二月開元路寧遠縣饑 案紀作寧遠等縣

二十九年二月東安固安薊棣四州饑 案紀棣作寶坻縣

三月威寧昌州饑 案威當作威證詳世祖紀

大德八年六月烏撒烏蒙益州忙部東川等路饑 案益州

誤證見成宗紀

皇慶二年三月晉寧大同大寧四州鞏昌甘肅等郡饑 案

世祖紀至元二十八年罷雲南四州立東川府此四州當

作東川

延祐二年正月晉寧宣德等路饑 案地理志宣德當稱府

二年十二月漢陽路饑 案紀在二年正月志上已書二年

正月此二年十二月五字誤衍

五年四月上都饑 案紀作遼陽

七年五月大同雲南豐勝諸郡邑饑 案地理志無雲南豐

勝府縣名當是大同路豐州東勝州雲內州稱郡邑亦誤

八年廣東新州新城縣饑 繼培案延祐無八年此即七年

八月之事見英宗紀新城亦當作新興見地理志

泰定元年四月江陵荆門軍監利縣饑 案地理志軍當作

州

二年三月祿施英德二州饑 案地理志祿施當是祿勸之

誤

致和元年七月威寧長安縣涇州靈臺縣饑 案地理志威

寧當作咸寧長安下縣字贅非如靈臺之隸於涇州也

至順二年六月興和路高原咸平等縣饑 案地理志平當

作寧

大德六年十二月辛酉雲南地震戊戌亦如之 案戊戌紀

作戊辰此誤

十年正月晉寧冀寧地震不止 案紀在閏正月

十一年三月道州營道縣暴雨山裂百三十餘處八月壬寅

開成路地震 案紀並在十年

至大元年十月蒲縣靈縣地震 案紀靈作陵

皇慶二年六月京師地震己未京師地震丙辰又震壬寅又

震 案紀丙辰當作丙寅己未上京師地震四字誤衍

延祐元年八月陟縣地震 案紀陟當作涉

五年三月己卯德慶路地震 案紀在五月

致和元年十月壬寅大寧路地震 案紀在文宗天曆二年

至順二年四月丁亥真定陟縣地一日五震 案紀丁亥當作庚戌四月丙午朔無丁亥日也陟亦當作涉證詳紀  
至元元年十月壬子恩州歷亭縣進嘉禾一莖九穗 案紀作一莖五穗

四年十月庚午太原進嘉禾 案紀在辛未

七年夏東平府進瑞麥一莖五穗 案紀作一莖二穗三穗五穗者各一本

二十四年八月濬州進瑞麥一莖五穗 案紀作九穗

二十六年十二月寧州民張安進嘉禾 案紀作張世安

大德九年嘉禾生應州山陰縣 案上已書大德此衍又失

書月

延祐四年七月南城產嘉禾 案紀在九月

至治二年八月蔚州獻嘉禾 案當作蔚昌府證詳紀

五行志二

水不潤下

元統二年正月 案上已書元統此衍

至元五年七月常州宜興縣山水出 案地理志縣當作州

至正十年六月霍州靈巖縣雨水暴漲 案地理志巖當作

石

十七年秋薊州四縣皆大水 案地理志薊領五縣此四縣

當書名

十八年秋京師及薊州廣東惠州廣西四縣賀州皆大水

案四縣二字疑衍或卽十七年秋薊州四縣誤複

火不炎上

至元五年秋芝草生於中書工部之屋梁 案順帝紀在十

二月

稼穡不成

至元三年八月辛亥夜京師地震順州龍慶州及懷來縣皆

以辛巳夜地震 案辛亥亦當作辛巳紀書七月己亥八

月戊辰則辛亥在七月也

至正三年六月秦州奉安縣南坡崩裂 案地理志奉當作

秦

歷志一

庚辰歲太宗西征 案紀庚辰乃太祖五年非太宗也

中書令耶律楚材 案紀太宗三年辛卯以耶律楚材爲中

書令太祖時未爲此官

歷志五

距太宗庚辰歲 案宗當作祖

元史本證七

光緒十五年徐氏鑄學齋重刊

上虞王士濟校

元史本證卷八

紹興先正遺書甲集之四

證誤八

蕭山汪輝祖 男繼培補

地理志一

中書省霸州益津至元二年置案紀復置在四年十二月

通州金改通州 案失書元事

龍慶州延祐三年割縉山懷來來隸大都陞縉山為龍慶州

案紀陞龍慶州在三年九月割懷來隸龍慶州在四年

三月分龍慶州隸大都路在至順元年三月此誤合為一

上都路中統元年為開平府五年以闕庭所在加號上都至

元五年陞上都路總管府 案世祖紀丙辰春憲宗六年命僧

本證八 證誤八

會稽徐氏重槩

子聰卜地於桓州東灤水北城開平府經營宮室是憲宗時已名開平府矣陞開平府爲上都在中統四年非五年紀於陞上都下卽繼書其達魯花赤兀良吉爲上都路達魯花赤總管董銓爲上都路總管兼開平府尹是陞上都時卽稱路矣又紀至元三年七月書詔上都路總管府則陞府亦不在五年也

順寧府金爲宣德州元初爲宣寧府太宗七年改山東路總管府中統四年改宣德府隸上都路仍至元三年以地震改順寧府 案紀太宗二年立十路徵收課稅使宣德是其一無山東路之名也中統三年八月有宣德州銀冶四

年八月陞宣德州爲宣德府是宣德曾降爲州非由山東路總管府改也改順寧府在順帝至元四年此云三年亦誤

保安州金爲興德府 仍至元三年以地震改保安州 案興德當作德興太祖紀屢見世祖紀至元三年亦云降德興府爲奉聖州其改保安州在順帝至元四年此云三年亦誤

興州元中統三年屬上都路 案紀上都當作開平府

松州中統三年陞爲松州 案紀當作四年

興和路元中統三年陞隆興路總管府 案紀是年陞撫州

為隆興府其陞路在至元四年詳證遺

永平路大德四年以水患改永平路 案紀在七年十月

撫寧十二年復置昌黎以屬灤州今昌黎屬本縣 案本縣疑當作本路

保定路本清苑縣唐隸鄭州宋陞保州金改順天軍元太宗

十一年陞順天路置總管府 案張柔傳陞保州為順天

府在辛丑歲乃太宗之十三年且順天府由保州陞非由

順天軍陞志並誤攷異云保州在宋為軍事金陞為節度州以順天為軍額而州名如故非改保

州為軍也

真定路元初置總管府 案當作置真定路總管府

蓋州至元二十一年仍屬真定 案紀在二十年

晉州中統二年復為晉州 案紀由鼓城縣陞

順德路元初改安撫司中統三年陞順德府至元元年以洛

州磁州來屬二年洛磁自為一路 案紀中統三年九月

改邢州為順德府立安撫司洛磁威三州隸焉此分設司

障府為二又失書威州並誤廣平路下云憲宗二年為洛

磁路止領磁威二州是洛磁為路亦非至元二年也

彰德路至元二年復立彰德總管府領懷孟衛輝四州四年

又割出懷孟衛輝仍立總管 案懷慶路下云至元元年

以懷孟路隸彰德路二年復以懷孟自為一路衛輝路下

又云中統元年陞衛輝路總管府淇州下又云至元三年

立衛輝路三路分合之年互異攷紀至元六年十二月析  
彰德懷孟衛輝為三路則分路俱在六年志並誤

懷慶路延祐六年以仁宗潛邸改懷慶路 案紀改懷孟路  
為懷慶路在文宗至順元年二月

衛輝路輝州至元三年 案至元上失書元字志類此者甚  
多今不盡舉

河間路景州金仍改觀州元因之至元二年復為景州領五  
縣舊縣 中舊屬觀州元初陞 案紀至元二年閏五月陞

舊縣為景州縣既陞州不當復有舊縣注文疑有脫誤  
東平路至元九年改下路總管府戶四萬四千七百三十一

案紀是年十二月以東平府民五萬餘戶復為東平路  
濟寧路碭山 至元二年併入單父縣三年 案紀至元八年

三月復立夏邑縣以碭山入焉此云屬濟寧路疑誤  
高唐州至元七年陞州 案紀在六年

泰安州至元三十一年復立新泰縣 案紀在至大元年  
益都路金為益都路總管府 案此下失書元事詳證遺

般陽府路中統五年陞淄州路總管府 案紀在四年  
萊州中統五年屬淄萊路 案般陽府路下云至元二年改

淄州為淄萊路此云中統五年屬淄萊路誤  
登州中統五年別置淄萊路 案誤同上



本誌八 四  
冀寧路石州至元三年以臨泉爲臨州 案紀在中統三年

志臨州下同

崞州元太宗十四年陞崞州

代州元中統四年併雁門入州

臺州金隸太原路元因之

堅州金隸太原路元因之 案紀至元三年七月以崞代堅

臺四州隸忻州志與忻州並隸冀寧路必尙有沿革失攷

晉寧路岳陽

本猗氏縣屬平陽府至元三年省入岳陽縣四年以縣當東西驛路之要復置併岳陽和川二

縣入焉後復改爲岳陽縣

案紀至元四年猗氏縣當作冀氏

河中府至元十五年復置萬泉縣 案紀在十六年

解州聞嘉 案嘉當作喜

地理志二

遼陽大寧路中統三年割興州及松山縣屬上都路 案上

都路當作開平府證詳紀

東寧路至元八年改西京爲東寧府十三年陞東寧路總管

府 案紀改政府在七年陞路在十二年

十三年割靜州義州麟州威遠鎮隸婆娑府 案紀以義州

隸婆娑府在至元七年

河南河南府路元初爲河南府 案失書陞路事紀中統四

年有河南路總管劉克興是陞路當在世祖初矣

陝州靈寶

至元八年廢虢州為虢畧隸陝州併虢畧治靈寶以虢畧為巡檢司併朱陽縣入焉

案紀

降虢畧在八年其省虢畧朱陽入靈寶則在十年

汝寧府光州元至元二十三年同蘄黃等州直隸行省 案

紀云罷淮東蘄黃宣慰司以安慶六安光州隸淮西宣慰使司非直隸行省也

歸德府至元二年又併穀熟入睢陽降永州為永城縣 案

紀併穀熟在八年降永州在十一年

下邑

案紀至元八年三月復立夏邑縣此作下邑

誤下邑金改

今名

襄陽路元至元十年更襄陽府為散府十一年改襄陽府為

總管府 案紀陞襄陽府為路在十年

廬州路元至元十三年設淮西總管府明年於本路立總管

府 案紀淮西廬州置總管萬戶府並在十三年

無為州至元二十八年罷鎮巢州為縣以屬焉 案紀至元

二十三年罷鎮巢府為巢州二十八年降巢州為縣此于

二十八年稱鎮巢州誤

安慶路至元十四年屬蘄黃宣慰司二十三年罷宣慰司直

隸行省 案誤同光州詳上

揚州路至元二十二年宣慰司遂廢 案紀罷淮東宣慰司

在二十三年

本登八 證誤八

六 會稽徐氏重葉

淮安路至元二十年兼領臨淮海寧泗安東四郡 案紀改泗州隸淮安路在十七年

中興路唐荊州復為江陵府宋為荆南府元至元十三年改上路總管府天曆二年改為中興路 案紀世祖至元十二年五月詔中書右丞廉希憲行中書省於江陵府十三年十二月陞江陵為上路文宗天曆二年三月改江陵曰中興是元時皆稱江陵不稱荆南也

安陸府至元十五年陞 案紀在十六年  
沔陽府至元十五年陞 案紀在十六年

地理志三

陝西奉元路至元十六年改京兆為安西路總管府 案紀十五年改京兆府為安西府十六年改京兆為安西路此誤合為一

大德元年移雲南行臺於此為陝西行臺 案紀復立陝西行御史臺在七年元年事無攷

鳳翔府邠州宋金以來皆因之 案失書元事  
鞏昌府鄆縣 案鄆當作漳

脫思麻路稠門魚通黎雅長河西寧等處宣撫司 案百官志宣政院作長河西寧遠等處此脫遠字

四川成都路漢州德陽 至元八年陞為德州十三年仍為縣隸成都路十八年復來屬 案

本登凡 證誤八 七 會稽徐氏重棻

紀至元八年陞成都府德陽縣爲德州十八年以漢州德陽隸成都府是德州本隸成都當由十三年改屬漢州至十八年又改隸成都也此注文蓋誤倒

沔州至元二十年廢襄州止設鐸水縣遷沔州而治焉 案紀在二十九年

順慶路至元二十年陞爲路 案紀十六年正月以順慶等路爲四川東道疑陞路不在二十年也重慶路下云至元十六年立重慶路總管府二十一年陞爲上路疑順慶亦當如是

潼川府綿州元初隸成都路元至元二十年併魏城入本州

改隸潼川路 案紀以成都路綿州隸潼川在中統四年此誤至元上元字亦衍

夔路 案當作夔州路 紀傳亦多稱夔路

敘州路至元十八年復陞爲路隸諸部蠻夷宣撫司 案紀十八年陞敘州爲路隸安西省二十三年降敘州爲縣隸蠻夷宣撫司大德七年以敘州宣慰司爲敘南等處諸部蠻夷宣撫司志誤三事爲一

諸部蠻夷師壁洞安宣撫司 案紀至元二十八年至正十一年並作安撫司百官志七同此誤衍宣字 甘肅永昌路元初仍爲西涼府至元十五年以永昌王宮殿

所在立永昌路降西涼府爲州 案紀至元九年諸王只必帖木兒築新城成賜名永昌府十年省西涼府入永昌路十五年降西涼府爲西涼州此誤

寧夏府路靈州宋初陷于夏國改爲翔慶軍 案失書元事山丹州至元六年行山丹城事二十二年陞爲州隸甘肅行省 案紀十三年敕山丹城直隸省部是隸省在陞州之前

元史本證八  
光緒十五年 徐氏鑄學齋重刊

上虞王士濟校

紹興先正遺書甲集之四

元史本證卷九

證誤九

蕭山汪輝祖 男繼培補

地理志四

雲南諸路道肅政廉訪司 大德三年罷雲南行御史臺立肅政廉訪司 案紀在

二年詳證遺

中慶路晉寧 案當作晉寧州

徹里軍民總管府大德中置 案紀在元貞二年

麗江路北勝府至元二十年陞爲府 案紀在二十五年

滇蘆州至元九年內附十六年改羅共睽爲滇蘆州 案世

祖紀至元十六年改雲南寶山崑渠爲州是未爲州之前

本證九 證誤九

會稽徐氏重校

已名菴葉也志于寶山州下云至元十四年以大匱七處立寶山縣十六年陞爲州疑菴葉亦由縣陞

孟傑路泰定三年八百媳婦蠻請官守置木安孟傑二府于其地案紀在四年且同置

蒙慶宣慰司都元帥府于其地今蒙慶隸建昌路未詳

烏撒烏蒙宣慰司至元二十四年陞宣慰司案紀在二十五年

地理志五

江浙杭州路至元二十一年自揚州遷江淮行省來治於杭

改曰江浙行省案百官志七遷杭州在二十一年改江

浙在二十二年紀在二十八年

嘉興路宋爲嘉禾郡又陞嘉興府案失書元陞路事

崇德州石晉置宋因之元元貞元年陞州案紀至元十三年正月軍次崇德縣此石晉置下脫縣字

常州路宜興州至元二十一年復陞爲府仍置宜興縣以隸之元元貞元年府縣俱廢案紀至元二十八年降宜興

府爲縣則所隸之縣當廢不待元貞元年也至元上不書元而繫元于元貞亦誤

松江府上海本華亭縣地至元二十七年置案紀在二十八年

集慶路溧陽州唐以來並爲縣元至元十六年陞爲溧陽路二十七年復降爲縣後復陞爲州案紀十六年陞溧州

本登九 證誤九 二 會稽徐氏重栞

為路州上脫 陽字 二十七年省溧陽路為縣入建康志不書溧陽陞州及後入建康皆誤

福建道宣慰使司都元帥大德元年立 案紀在二年詳證遺

福州路至元十八年遷泉州行省於本州十九年復還泉州二十二年併入杭州 案紀福州置省在十七年正月移省泉州即在是年五月此誤泉州路下誤同二十二年則併省入江西非杭州

建寧路元至元二十六年陞為路 案紀在十六年漳州路至元十六年陞 案紀在十八年

江西龍興路至元十五年移省於贛州十六年復還龍興十

七年併入福建行省止立宣慰司十九年復立 案紀十

五年六月以隆興省併入福建其宣慰司除額設員數外餘並罷去七月以塔出等行中書省事於贛州十六年移

贛州行省還隆興志同十七年徙泉州行省于隆興十八年

給龍興行省海青符十九年五月併江西福建行省十一月以袁州饒州興國軍復隸隆興省是隆興之併福建在十五年其移贛州在併福建之後復立則在十七年志誤又志云二十一年改隆興為龍興而十六年即稱龍興亦誤

寧州元至元二十三年於武寧縣置寧州分寧為倚郭縣

案分寧當作武寧武寧下云至元二十三年置寧州縣爲倚郭可證

吉安路改吉州爲吉安路 案紀在皇慶元年此繫於元貞元年誤

贛州路大德元年寧都會昌二縣陞州割瑞金隸會昌 案紀在元貞元年

至大三年復置龍南安遠二縣屬寧都 案紀在二年石城 案紀元貞元年以石城隸寧都今隸贛州未詳

龍南 至大三年復置 安遠 至大三年復置 案紀在二年 錄事司 案紀至元二十九年正月罷南雄韶州惠州三路

錄事司志於韶州獨存誤

德慶路後屬廣東道 案紀屬廣東在至元二十九年

肇慶路至元十七年改爲下路總管府仍屬廣東 案紀屬廣東在二十九年

英德州至元十五年立英德路總管府二十三年降爲散州 大德五年復爲路至大元年復降爲州領縣一翁源 大德五年

置 案紀至元二十七年併廣東道真陽治光二縣爲英德州大德四年陞廣東英德州爲路立三縣延祐元年復

書廢真陽含光 治含當有一誤 二縣爲英德州五年併翁源縣入曲江縣以紀志參攷至元時并真陽含光爲州大德陞路



當復二縣及翁源爲三延祐元年廢二縣而獨存翁源至五年翁源併入曲江州無屬縣矣志至大元年亦疑延祐二年之誤

封州至元十六年立封州路總管府後又降爲散州仍屬東道案紀立路在十七年東道當作廣東道事在二十九年

連州至元十九年降爲散州隸廣東道案紀降州在元貞元年隸廣東在至元二十九年志誤合爲一

地理志六

湖廣武昌路至元十一年立荆湖等路行中書省并本道安

撫司十三年設錄事司案紀至元十三年立尙書省於

鄂州志疑誤

常德路至元十四年改爲總管府案當作改爲常德路總管府

沅州路至元十四年改沅州路總管府案紀陞路在元貞元年

靖州路元至元十三年立安撫司明年改靖州路總管府

案紀元貞元年陞沅州爲路以靖州隸之延祐四年陞靖州爲路志有脫誤

天臨路至元十四年立行省改潭州路總管府十八年遷行

省於鄂州 案紀十六年罷潭州行省此十八年疑十六年之誤

靜江路至元十三年立廣西道宣撫司十四年改宣慰司 案紀置宣撫在十四年三月即於五月改宣慰司

潯州路至元十六年改爲總管府 案當作改爲潯州路總管府

平樂府唐仍爲昭州宋因之元改爲平樂府 案紀大德五年陞昭州爲平樂府是大德以前尙爲昭州矣

容州 案當作容州路  
象州 案當作象州路

賓州 案當作賓州路

橫州至元十六年改總管府 案橫州當作橫州路改總管府當作改橫州路總管府

右江 源出峩利州與大理大槃水通在大理之威楚州 案志雲南威楚開南路威

楚縣注至元十五年陞威州二十一年降州爲威楚縣此云威楚州誤峩利州未知屬何處志亦無其名

雷州路至元十七年改安撫司爲總管府 案紀改雷州化州高州廉州爲路此總管府上俱當書路化州高州廉州下並同

欽州路元至元十五年置安撫司 案紀在十四年

管番民總管乖西軍民府皇慶元年立案紀立府在大德十一

年以乖西隸播州宣撫司在皇慶二年

播州軍民安撫司六洞柔遠等處案六洞柔遠等處已書

於管番民總管條此複

新添葛蠻安撫司金竹等寨案紀至元二十六年改四川

金竹寨為金竹府志管番民總管下已有金竹府此疑複

征東等處行中書省大德三年立案當云復立至元時已再立

矣詳證遺

航羅軍民總管府大德五年立案紀四年立航羅總管府五年

立航羅軍民萬戶府此誤合為一

欽察太宗甲午年命諸王拔都征西域欽義阿速斡羅思等國歲乙未亦命憲宗往焉繼培案太

宗紀七年乙未遣諸王拔都及皇子貴由皇姪蒙哥即憲宗

征西域速不台傳云乙未太宗命諸王拔都西征入赤蠻

是拔都西征亦在乙未歲也欽義即欽察乃入赤蠻之誤

證詳憲宗紀

河渠志一

會通河

會通河至元二十六年正月己亥起於須城安山之西南止  
於臨清之御河六月辛亥成賜名會通河案紀二十六年  
七月辛巳開安山渠成賜名會通河與此異

本登九 證誤九 會稽徐氏重榮

兗州牘

兗州牘已見前 案會通河下僅見兗州牘之名其興建年  
月長廣丈尺俱未詳此云已見前誤也所敘馬之貞申文  
並未及建牘規制與所用工料亦太疎略

河渠志二

濟州河

三十一年御史臺臣云云阿八失所開河遂廢 繼培案紀

罷阿八失即阿八失開河之役在至元二十一年

澗山湖

范殿帥朱張輩必知其故 案范殿帥名文虎朱張乃朱清

張瑄也

元史本證九

光緒十五年徐氏鑄學齋重刊

上虞王士濟校

元史本證卷十

證誤十

紹興先正遺書甲集之四

蕭山汪輝祖 男繼培補

禮樂志二

先是東平萬戶嚴光範 案紀中統二年作嚴忠範

太常集禮曰樂章據孔思遠錄之國朝樂章皆用成字凡用

寧字者金曲也 攷異云案宋樂章用安字金用寧字元

用成字志載至大二年親饗太廟文舞退武舞進仍用舊

曲改名肅寧注云舊名和成亞終獻酌獻仍用舊曲改名

肅寧注云舊名順成徹豆曰豐寧之曲注云舊名豐成然

則至元四年已改和成順成豐成之名而至大中反改從

金舊名揆之情理當不其然此必承孔思逮本之誤也攷  
第三卷載至大樂章云文舞退武舞進奏肅成之曲亞終  
獻行禮宮縣奏肅成之曲注云孔本作肅寧知思逮誤以  
肅成爲肅寧又攷祭祀志所載親祀時享儀卽至大二  
年所定其文云諸太祝進徹籩豆登歌豐成之樂作知徹豆  
之奏豐寧亦應作成字矣大約思逮所錄乃國初之舊曲  
史家誤以爲至大所定樂章耳第四卷載泰定十室樂舞  
云亞獻終獻武舞肅寧之曲祭祀志親謝儀太尉詣盥洗  
位宮縣樂作肅寧之曲此類皆沿孔本之譌

禮樂志三

宗廟樂章

至元四年至十七八年入室樂章迎神奏來成之曲 攷異  
云案志第一卷總序篇云至元三年初用宮縣登歌樂文  
武二舞於太廟烈祖至憲宗入室皆有樂章第二卷制樂  
始末篇云至元三年冬十有一月有事於太廟宮縣登歌  
樂文武二舞咸備其迎送神曲曰來成之曲云云第四卷  
宗廟樂舞篇亦云至元三年入室時享文舞降神來成之  
曲是入室樂章定於至元三年也而此卷云至元四年又  
親祀禘祫樂章內皇帝詣盥洗奏順成之曲迎神奏思成  
之曲司徒捧俎奏嘉成之曲文舞退武舞進奏肅成之曲

亞終獻奏肅成之曲俱注云至元四年詞律同又至大以後親祀攝樂章內皇帝盥洗奏順成之曲迎神奏思成之曲初獻陞殿奏肅寧之曲司徒捧俎奏嘉成之曲太祖室奏開成之曲睿宗室奏武成之曲文舞退武舞進奏肅成之曲亞終獻行禮奏肅成之曲徹籩豆奏豐寧之曲送神奏保成之曲注俱有至元四年字似樂章定於至元四年蓋一志之中前後舛錯如此

親祀禘祫樂章

未詳年月太常集禮云別本所錄以時攷之疑至元以前擬用

攷異云案

至元以前未行親祀太廟之禮禘祫則終元之代初未舉行此樂章不審何人所製擬而未用於例不當書

皇帝出入小次奏昌寧之曲

太常集禮云此金曲思速取之

攷異云案金

史禮志載此曲詞句多同惟肅肅來止作有來肅肅威儀孔彰作禮儀卒度神之休之作孔時孔惠元代樂曲例用成字此采金曲故仍用寧字也元初祭太廟皆有司攝事至大始行親享之禮臨時不及更造新曲權用金舊亦有司之失也

### 宣聖樂章

迎神奏凝安之曲 攷異云案志載祀先聖樂章前十六章則釋奠所用也後十一章則擬撰而未及用者也前十六章其十四章全用宋時大晟樂府擬撰之詞惟廊國公沂

國公酌獻二章宋大晟本無之後十一章九章存而二章  
亡所亡者卽郈沂二公酌獻之詞何以增於前而缺於後  
也蓋顏曾思孟並配始于宋度宗咸淳三年當大晟擬撰  
時郈沂二公尙未入配位故無其樂章元旣襲而用之則  
少此二配樂章不得不增入以充其數因於擬撰十一章  
之內取而用之夫是以前之所增卽後之所缺也又攷元  
初宣聖配享止有顏孟二人本沿金制而金又本宋政和  
儀故卽用宋樂章十四曲至延祐三年始增子思孟子二  
位則此十六章亦延祐所定也

祭祀志一

郊祀

憲宗卽位之二年秋八月八日始以冕服拜天於日月山其  
十二日又用孔氏子孫元措言合祭昊天后土 案禮樂  
志憲宗二年三月五日命東平萬戶嚴忠濟立局製冠冕  
法服鐘磬筍簴儀物肄習五月十三日召太常禮樂人赴  
日月山八月七日學士魏祥卿徐世隆郎中姚樞等以樂  
工五十餘人見于行宮十一日始用登歌樂祀昊天上帝  
於日月山與志不合攷證云八月八日方祭天而十二日  
又行合祭相去四日恐無此數祭之禮十二日日字或是  
月字之誤其中舛譌錯簡殆不免耳



十二年十二月以受尊號遣使豫告天地 案十二月上失書至元

大德九年二月 案上已書大德此衍

至大二年田司徒郝參政等 案田名忠良郝名彬俱有傳至大三年春正月 案至大字衍

祭祀志三

宗廟上

世祖元年秋七月丁丑 案元年上失書中統

制曰其與張仲謙諸老臣議行之 案仲謙名文謙制當稱名

親祀時享儀皇帝還大次宮縣昌寧之樂作 攷異云案禮

儀志皇帝出廟庭奏昌寧之曲卽此所云還大次也上文云祿訖禮儀使奏請還小次皇帝行宮縣樂作入小次樂止又禮儀使奏請詣盥洗位出次宮縣樂作至盥洗位樂止又飲福訖禮儀使奏請還小次宮縣樂作入小次樂止又徹豆訖禮儀使奏請詣版位出次宮縣樂作至位樂止此四次宮縣樂卽禮儀志所云皇帝出入大次奏昌寧之曲也志或書曲名或不書於例殊未畫一

祭祀志五

宣聖

至大元年秋七月詔加號先聖曰大成至聖文宣王 案紀  
在大德十一年

皇慶二年六月以許衡從祀 案仁宗純元先皇慶此繫于  
延祐三年之後誤倒

祭祀志六

顏子考妣封諡

元統二年改封顏子考云云 案紀在文宗至順三年  
選舉志一

學校

凡師儒之命於朝廷者 至 及宣慰司劄付 案儒學設官已

見百官志複敘非例

科目

泰定元年三月廷試進士八十有六人 案紀作八十四人  
四年三月廷試進士八十有六人 案紀作八十五人

舉遺逸

徵臨川布衣吳澂 案卽吳澄本傳云撫州崇仁人

百官志一

左丞相右丞相至元二年增置丞相五員八年罷尙書省乃  
置丞相二員 案紀至元四年從安童言設二丞相非至  
八年始減也

寶鈔總庫至元二十六年陞從五品 案紀在二十五年  
京畿都漕運使司中統二年初立軍儲所尋改漕運所至元  
五年改漕運司十二年改都漕運司十九年改京畿都漕  
運使司 案紀至元元年立漕運司十五年罷漕運司以  
其事隸行中書省俱與此異豈別一官耶

大都河間等路都轉運鹽使司中統三年改都提領拘榷滄  
清課鹽所至元三年以刑部侍郎右三部郎中兼滄清課  
鹽使司尋改立河間都轉運鹽使司立清滄課三鹽司十  
二年改爲都轉運使司 案紀中統四年改滄清課鹽提  
領所爲轉運司至元八年改河間鹽課都轉運司爲都轉

運鹽使司與志異

山東東路轉運鹽使司至元二年改立山東轉運司至元十  
二年改立都轉運司 案紀改山東鹽課都轉運爲都轉  
運鹽使司在八年改山東轉運使司爲都轉運使司兼濟  
南路酒稅醋課在二十五年與此異此至元二字亦重見  
河東陝西等處轉運鹽使司至元二十二年立陝西都轉運  
司延祐六年更爲河東陝西等處都轉運鹽使司 案紀  
改陝西鹽課都轉運司爲都轉運鹽使司在至元八年  
禮部拱衛直都指揮使司秩從四品至元三年始置都指揮  
使十六年陞正三品隸宣徽院二十年復爲從四品元貞

元年復陞正三品 案紀至元三年立拱衛司五年隸宣  
徽院九年陞拱衛司爲拱衛直都指揮使司十九年降拱  
衛司復正四品大德九年陞正三品俱與志異

儀鳳司至元八年立玉宸院二十年改置儀鳳司隸宣徽院  
二十五年歸隸禮部大德十一年改陞玉宸樂院秩從二  
品 案紀中統元年立仙音院復改爲玉宸院括樂工立  
儀鳳司至元八年以玉宸院隸宣徽二十一年以儀鳳司  
隸衛尉院二十五年又云儀鳳司止隸宣徽院是儀鳳司  
與玉宸院同時並立皆在至元之前其隸宣徽不在改儀  
鳳時及改儀鳳又未嘗盡隸宣徽也大德十一年十一月

玉宸樂長謂玉宸與刑部秩皆三品此云從二品亦當是  
從三品之誤 下云至大四年復爲  
儀鳳司秩正三品

元史本證十

光緒十五年 徐氏鑄學齋重刊

上虞王士濟校



院治岳州四月徙鄂州

武衛親軍都指揮使司秩正三品至元二十六年立武衛設官五員元貞大德年間累增都指揮使四員 案紀中統二年有武衛親軍都指揮使李伯祐董文炳非至元時始置官也二十五年置虎賁司改爲武衛司似與此二十六年設武衛相合然未敢信其卽爲一官也

隆鎮衛皇慶元年陞隆鎮萬戶府爲隆鎮衛 案紀在二年左衛率府延祐四年改中翊府又改爲御臨親軍指揮又改爲羽林 案紀改中翊府爲羽林親軍都指揮使在五年右阿速衛至大二年改立右阿速衛親軍都指揮使司 案

紀在三年

回回砲手軍匠上萬戶府至元十八年始立爲都元帥府二十二年改爲萬戶府 案紀在二十一年

左翊蒙古侍衛親軍都指揮使司至元十八年以蒙古侍衛總管府爲指揮使司 案紀在十七年

江南諸道行御史臺至元十四年始置江南行御史臺於揚州尋徙杭州又徙江州二十三年還於建康 案紀至元二十一年行御史臺自揚州遷於杭州二十二年二月徙江州五月復徙杭州二十三年自杭州徙建康此云自江州徙建康誤矣

本證十一  
二十三年以淮東淮西山南三道撥隸內臺 案紀二十一  
年罷行御史臺以其所屬按察司隸御史臺蓋卽此事志  
誤後一年也肅政廉訪司下誤同

察院至元十四年置監察御史十員二十三年增蒙古御史  
十四員 案紀十五年行御史臺增設監察御史四員二  
十年增設蒙古監察御史六員二十三年增置行臺色目  
御史員數

陝西諸道行御史臺大德元年移雲南行臺於京兆爲陝西  
行臺而雲南改立廉訪司 案紀在二年廉訪下誤同  
肅政廉訪司國初立提刑按察司至元十九年增西蜀四川

道二十年增海北廣東道 案紀立西蜀四川道提刑按  
察司在十六年立廣東按察司在十九年  
百官志三

大宗正府至元二十八年增至四十六員大德四年省五員  
十一年四十一員 案於四十六員省五員正是四十一  
員志分爲二事必有脫誤

大司農司至元二十年又改司農寺二十三年仍爲大司農  
司秩仍正二品皇慶二年陞從一品 案司農寺紕作司  
農司然兵志屯田條亦作寺也鐵哥傳奏寺改司在二十  
二年紀陞從一品在皇慶元年

永平屯田總管府至元二十四年始立于永平路南馬城縣  
案地理志灤州馬城縣至元四年已省二十四年不應  
稱縣

翰林兼國史院大德九年置都事一員 案紀在皇慶元年  
集賢院國子學至元二十四年定置生員額二百人 案紀  
作生員百二十人詳證遺

尙舍寺秩正四品至元三十一年始置監至大元年改爲寺  
陞正三品四年仍爲監尋復爲寺延祐三年復降爲正四  
品 案紀至元十七年陞尙舍監秩三品大德十一年陞  
尙舍監正三品延祐七年尙舍寺降正四品俱與此異

闡遺監至元二十年初立闡遺所秩九品二十八年陞正三  
品 案紀九品當作五品陞三品在大德十一年

大都大倉上都大倉至元十二年改立提舉大倉 案紀至  
元十七年立太倉提舉司秩五品疑卽此官

太禧宗禋府隆禧總管府秩正三品至大二年改爲規運都  
總管府三年陞爲隆禧院天曆元年罷會福殊祥二院以  
隆禧殊祥併立殊祥總管府 案紀至大三年六月立規  
運都總管府秩正三品領大崇恩福元寺錢糧十一月改  
大崇恩福元寺規運總管府爲隆禧院秩從二品此誤且  
陞殊祥院秩正二品與陞會福院同在延祐三年今會福



詳書於志而殊祥不書又會福院下書天歷元年改會福  
總管府此與殊祥同書罷皆誤也

祐國營繕都司秩五品天歷元年初置萬聖祐國營繕提點  
所三年改爲營繕都司 案紀至順元年即天歷三年作正四  
品

崇祥總管府至大四年陞爲崇祥院泰定四年復改爲大承  
華普慶寺總管府 案紀陞院在皇慶元年改府在泰定  
三年

普慶營繕司天歷元年始置普慶營繕提點所三年改爲營  
繕司 案紀天歷二年改普慶修寺人匠提舉司爲營繕

提點所秩從五品至順元年即天歷三年改營繕司秩正五品  
此以二年爲元年又不書秩皆誤

隆祥使司普明營繕都司天歷元年勅大龍興普明寺於海  
南置規運提點所二年撥隸隆祥總管府 案紀天歷二  
年立海南營繕提點所隸隆祥此不書改規運爲營繕蓋  
誤

壽福總管府天歷元年改立總管府 案紀在泰定元年  
萬安營繕司三年以萬安規運提點所旣廢復立萬安營繕  
司 案三年上失書年號提點所陞都總管府在延祐二  
年此當是延祐三年

百官志四

太常禮儀院至元二年翰林兼攝太常寺二十年陞正三品  
至大元年改陞院設官十二員天曆二年復陞正二品  
案紀併太常寺入翰林院在至元八年陞太常寺爲正三  
品在十八年改太常寺爲太常禮儀院在大德十一年復  
陞正二品在至順元年至紀云至大元年減太常禮儀院  
官二十七員爲八員此云元年設官十二員亦疑誤  
郊祀署大德九年始置令二員丞二員案紀作令丞各一  
員詳證遺

典瑞院至元十六年立符寶局大德十一年陞正二品案

紀中統元年已立符寶局正二品當作從二品

太醫院二十年改爲尙醫監案二十年以上失書至元

御藥院至元六年始置達魯花赤案紀至元十年置御藥

院似無六年先置官之理

奎章閣學士院羣玉內司秩正三品天曆二年始置案紀

是年更司籍郎爲羣玉署至順元年陞羣玉署爲羣玉內

司此誤合爲一

藝文監案紀天曆二年立藝文監隸奎章閣學士院今與

奎章閣並列誤

監書博士天曆二年始置案紀至順元年置奎章閣監書

博士今隸藝文監又以至順爲天曆皆誤

侍正府秩正一品至順二年置 案紀當作從二品

將作院行諸路金玉人匠總管府至大間始置於杭州路

案紀至元十七年立杭州路金玉總管府此至大疑至元之誤

高麗提舉司至元二十二年置 案紀至元二十一年以高

麗提舉司隸工部豈別一官耶抑二十二年由工部改隸

總管府志誤以爲始置也 此當在下  
一條後

大都等路民匠總管府御衣局至元二年置 案紀在中統四年

通政院至元十三年改至大元年陞正二品四年罷是年兩

都仍置 案紀改院在至元十二年陞品在大德十一年

至大四年上都立通政院此云兩都亦誤

中政院大德四年陞中正院 案紀正當作政

管領諸路打捕鷹房民匠等戶總管府大德三年始置元貞元年撥隸中宮位下 案大德當在元貞之後

遼陽等處金銀鐵冶都提舉司秩正四品掌辦金銀砮鐵等

課分納中書省及中政院七年以其賦盡歸中宮 案紀

延祐三年置遼陽金銀鐵冶提舉司秩從五品七年歸中

政院此云正四品當由提舉司改都提舉司陞秩也不書

延祐亦誤

江浙等處財賦都總管府至大元年置領提舉司二 案紀至大三年立江浙等處財賦提舉司秩從五品隸章慶使司志提舉司並正五品又隸中政院與紀異

管領諸路打捕鷹房民匠等戶總管府秩正三品大德三年置 案此與前管領諸路打捕鷹房民匠等戶總管府秩品置年及所置達魯花赤至奏差並同彼云領提舉司四提領所十有一此所領大都等路唐州河南冀寧共四提舉大都保定河間真定南陽鄧州唐州泌陽襄陽湖陽汝寧陳州汴梁裕州河南嵩汝南陽唐州冀寧晉寧共十一

提領數亦相同惟提舉內河南彼作南陽提領內汝寧彼作汝濟河南嵩汝彼作濟南嵩汝爲稍異其爲誤複信矣奉宸庫大德元年置 案紀至元二十七年罷奉宸庫大德二年置然則大德時乃復置亦非元年也

元史本證十一

光緒十五年 徐氏鑄學齋重刊

上虞王士濟校

元史本證卷十二

蕭山汪輝祖 男繼培補

百官志五

儲政院家令司延祐四年復立七年罷天歷元年罷未幾復立二年又罷 案紀延祐七年內宰司復為正三品天歷二年復置家令司此云罷者俱誤

府正司冀用庫 案紀至大元年冀當作驥

延慶司大德十一年別立延慶司秩仍正三品 案紀復延

慶司在大德三年十一年乃陞延慶司秩從二品也其復

正三品在延祐七年詳證遺

典醫監泰定四年復立署 案紀在三年

典牧監秩正三品天曆二年始置 案紀大德十一年已置  
此官天曆時當是復置

典寶監 案紀延祐四年典寶監設官八員今志凡十員

延福司後併入羣牧監 案紀延祐七年延福與羣牧同罷  
此云併入疑誤

章慶使司秩正三品至大三年立至治三年罷 案紀至大  
三年作正二品罷在延祐七年

掌醫監秩正五品至大元年陞監 案紀作正三品

羣牧監秩正二品至大四年立至治三年罷 案紀至大四

年作正三品罷在延祐七年

掌儀署令丞各二員至元二十年立泰定元年改典設署

案紀置署在大德十一年設令丞各一員

隨路諸色人匠都總管府至元九年陞正三品大德十一年

改繕珍司 案紀改繕珍司陞秩正三品在至大元年作  
徽政院人匠總管府

上都奧魯提領所至元十八年置 案紀至元十七年六月

罷上都奧魯官以畱守司兼管奧魯事豈十七年罷而十  
八年復置歟

管領諸路怯憐口民匠都總管府延祐六年改繕用司 案

紀在四年

江淮等處財賦都總管府至元十六年立大德四年罷案  
紀立府在至元二十六年罷在大德八年

昭功萬戶都總使司宮相都總管府至順二年罷宮相府并  
鶴馭司改怯憐口錢糧總管府爲本府案紀是年三月  
立宮相都總管府四月置怯憐口錢糧都總管府志有脫  
誤

內史府至元二十九年封晉王於太祖四斡耳朶之地改王  
傅爲內史秩從二品延祐五年陞正二品案紀皇孫晉  
王位立內史府在至元三十年其陞內史府爲內史院秩

正二品在至大元年

隨路諸色民匠打捕鷹房都總管府秩正二品至元二十四  
年置案紀至順元年立諸色民匠打捕鷹坊都總管府  
秩正二品與此並同豈罷而復置耶

都護府至元十七年改領北庭都護府秩二品二十年改大  
理寺秩正三品二十二年復爲大都護品秩如舊案紀  
改都護府在十八年作從二品二十二年陞大理寺爲都  
護府亦稱職從二品此云品秩如舊則是正三品也疑誤  
百官志六

大都留守司至元十九年罷宮殿府行工部置大都留守司

兼本路都總管知少府監事二十一年別置大都路都總管府 案紀併宮殿府入少府監在八年立大都留守司及總管府俱在二十一年

廣誼司秩正二品 案紀至順二年作正三品志亦云司令二員正三品此二字誤

武備寺至元五年始立軍器監秩四品十九年陞正三品二十一年改監爲寺 案紀軍器監陞三品在十八年陞武備監爲武備寺在二十二年

太僕寺中統四年設羣牧所至元十六年改尙牧監 案立羣牧所之年各處互異證詳世祖紀至元九年立尙牧監

紀在十二年

大德十一年復改太僕院至大四年仍爲寺卿二員從二品 案紀大德十一年已陞從二品

尙乘寺至元二十四年罷衛尉院始設尙乘寺大德十一年陞爲院 案紀大德十一年改尙乘寺爲衛尉院此第云陞爲院文義不明

長秋寺怯憐口諸色人匠提舉司秩從五品掌領武宗軍士北來人匠至大元年置 案紀作正五品

太府監至元四年爲宣徽太府監八年陞正二品 案紀併太府監入宣徽院在三年八年陞正三品非二品也



利用監資用庫至元十年隸利用 案紀至元十年改資用  
庫爲利用監非隸也

中尙監二十四年改置 案紀在二十三年

御帶庫至元二十八年置 案紀云增置非始置也二十二  
年陞御帶庫爲章佩監則早有此庫矣

章佩監至大元年陞爲院秩從二品 案紀在大德十一年  
經正監至大四年置 案紀是年七月置官五員十二月增  
置官爲八員今志乃有九員

都水監秩從三品都水監二員少監一員監丞二員經歷知  
事各一員大德六年陞正三品 案紀至元二十九年仍

置都水監少監丞經歷知事凡八員此少監當是一員陞  
品在大德九年志亦誤

司天監皇慶元年陞正四品 案紀皇慶元年陞四品者乃  
回回司天臺非司天監也至大元年陞司天臺秩正四品  
疑卽此監

上都畱守司至元十九年併爲上都畱守司 案紀在十八  
年

尙供總管府至元十三年置只哈赤入刺哈孫達魯花赤延  
祐二年改總管府 案紀延祐二年只合赤入刺合孫總  
管府改爲尙供府此有脫誤

大都路兵馬都指揮使司至元二十九年置都指揮使等官  
案紀十六年陞大都兵馬都指揮使司秩四品則二十  
九年前已有都指揮使矣

百官志七

江西等處行中書省至元二十三年又以福建併入江浙  
繼培案世祖紀無福建行省入江浙之事闕里吉思傳云  
大德二年改福建行省平章未幾以福建隸江浙改福建  
道宣慰使都元帥則福建省之入江浙當在大德二年後  
矣詳證遺

湖廣等處行中書省至元十三年取潭州卽置省治之 案

紀潭州置省在十四年地理志天臨路下同

陝西等處行中書省至元二十三年四川立行樞密院 案  
樞密院當作中書省

甘肅等處行中書省十年罷之 案十年上失書至元

雲南等處行中書省至元十一年始置行省治中慶路 案

地理志中慶路立省在十三年

宣慰使浙東道 攷異云地理志浙東道宣慰司都元帥治  
慶元路則浙東道宣慰司亦兼都元帥府矣

元帥府李店文州帖城河里洋脫朶甘思當陽岷州積石州  
洮州路脫思馬路十八族 攷異云宣政院所屬惟洮州

十八族積石州禮店文州擧稱元帥府朶甘思稱都元帥  
府脫思麻路驛則稱軍民萬戶府屬吐蕃都元帥常陽驛  
帖城阿不籠等處合爲一萬戶府屬吐蕃招討司岷州但  
有捕盜官俱無元帥府之名

福建等處都轉運鹽使司大德四年復爲運司九年復罷

案紀立司在至元三十一年罷司在大德八年

諸路總管府至元二十三年置推官二員下路一員 案紀

是年設上路二員中路一員至大德二年增置上路二員

下路一員此誤合爲一 二十三

百官志八

中書分省至正十二年左丞韓大雅 案名元善

十七年七月以平章答蘭參政俺普崔敬分省陵州 案宰

相表答蘭崔敬俱十一月除此云七月分省疑誤

二十二年以參政脫禾兒領分省事 案宰相表作脫木兒

樞密院至正十五年四月添設院判一員 案紀作添設判

官二員

徽政院元統元年十二月爲皇太后置 案宣宗紀至順三

年十月立徽政中政二院元統乃設官屬非置院也

宣文閣至正元年九月立 案紀在六月

資正院 案紀至正十三年六月作資政院

本誌十一  
行中書省至正十六年五月置福建等處行中書省 案紀  
在正月

行樞密院至正十五年十二月河南行樞密院添設院判一  
員 案紀見於十二年九月

行御史臺至正十六年置河南廉訪於沂州 案紀十二年  
九月已有河南廉訪司之名當非置於十六年也

行宣政院至元二年五月置以也先帖木兒爲院使 案順  
帝紀在三年五月

瀾東宣慰司至正十二年正月添設宣慰使一員同知一員  
都事一員 案紀瀾東作淮東亦無宣慰使一員

東路都蒙古軍都元帥府至正八年正月置 案紀七年正  
月復立

義兵萬戶府至正十四年二月詔河南淮南兩省並立義兵  
萬戶府 案紀十二年九月已有義兵萬戶府之名  
選舉附錄

科目  
至正二十六年三月廷試進士七十二人 案紀作七十三  
人

食貨志二  
歲課

本證十一  
撥常德澧辰沅靜民萬戶府 案靜當作靖民上疑脫軍字  
撥採木夫一千戶於瑞錦州 案地理志瑞錦是一州  
食貨志三

歲賜

太祖弟孛羅古解大王子廣寧王位江南戶鈔至元十八年  
分撥鈔山州一萬八千戶 案別里古台傳作信州路及  
鈔山州二城戶一萬八千  
孛羅台萬戶分撥廣平路洛水州 案地理志州當作縣  
食貨志四

俸秩

祿秩之制 案紀中統三年始定中外官俸至元三年初給  
京府州縣司官吏俸七年初設軍官俸與志所載皆不合  
奎章閣學士院鑑書博士 案鑑當作監見文宗紀至順元  
年及百官志四

賑恤

恩免之制 至元三年減中都包銀四分之一 案紀在二  
年  
至治三年免福建蛋戶差稅一年 案紀在泰定元年  
泰定三年罷江淮以南包銀 案紀在二年  
災免之制 至元三年以東平等處蠶災減其絲料 案紀

在四年

二十年免江南稅銀十分之二 案紀作免三之二

入粟補官之制 陝西每石八十兩 至 依河南省補官例行

之 案凡六百四十餘字已見選舉志凡入粟補官條此

宜節

兵志一

兵制

世祖至元十九年二月諸侯王阿只吉 案侯字誤衍

兵志二

宿衛

左衛率府延祐元年改為忠翊府 案百官志作四年

鎮戍

世祖中統元年十一月命右三部尙書怯烈門平章政事趙

璧領蒙古漢軍於燕京近地屯駐平章塔察兒領武衛軍

一萬人屯駐北山漢軍質子軍及僉到民間諸投下軍於

西京宣德屯駐復命怯烈門為大都督管領諸軍勾當分

達達軍為兩路一赴宣德德興一赴興州其諸萬戶漢軍

則令赴潮河屯守 案紀中統二年十月庚子命平章政

事趙璧左三部尙書怯烈門率蒙古漢軍駐燕京近郊丙

辰詔平章政事塔察兒由古北海口西便道赴行在所十

本證十二  
一月癸酉以尙書怯烈門平章趙璧兼大都督率諸軍從塔察兒北上分蒙古軍爲二怯烈門從麥肖出居庸口駐宣德德興府訥懷從阿忽帶出古北口駐興州帝親將諸萬戶漢軍及武衛軍由檀順州駐潮河川與此互異至元十三年十月命別速解忽別列入都兒二人爲都元帥領蒙古軍二千人河西軍一千人守斡端城 繼培案紀至元十六年九月以忽必來別速台爲都元帥將蒙古軍二千人河西軍一千人戍斡端城別速台卽別速解忽必來卽忽別列入都兒紀在十六年而志在十三年疑誤  
兵志三

屯田

大農司所轄營田提舉司不詳其建置之始 案紀至元十七年九月立營田提舉司從五品俾置司柳林割諸色戶千三百五十五隸之官給牛種農具何云不詳耶

四川行省所轄保寧萬戶府軍屯置立於重慶州晉源縣之金馬 案地理志重當作崇

刑法志二

學規

諸國子監私試積分 至 勒令出學 案已見選舉志冗複非例

刑法志四

禁令

諸章服職官一品至素帶青幔 案已見輿服志服色等第

條此宜節

元史本證十二

光緒十五年徐氏鑄學齋重刊

上虞王士濟校

48-11497



刑法志四

本誌

卷四

四

